

READINGTON

Restaurant

Bed & Breakfast

Mawlai Mawiong Rim
Shillong, Meghalaya

81320 00254 / 93781 87148
/87875 66272

Shu phah Whatsapp
ne Phone ha une
u Number

8794745117

Ki Classified Advertisement
Ne kiwei ki Advertisement
kiba phi kwah ban pynmih
ha ka Kotkhubor
Sa siew Online Payment

JINGPYNTIP BA
SNGEWSIH

Ngi sngewsih ban pyntip ia ka jingkhladnoh i Bah Roland M. Bareh iba sah ha Kynton U Mon, iba dei i kurim jong i Kong Bonnie G. Laloo bad i kpa jong i Bah James M.Laloo, Rev. G. Laloo, Bah David C. Laloo, Kong Jolene E. Laloo bad i kthaw jong i Dr. Banhiam G. Kharrngi, Kong Hunhameshisha Mawroh, Kong Rimeka Wahlang, Dr. (Mrs) Melari Shisha Nongrum. Ka jingleit ontep kan long ha ka 15.09.2026 ha ka por 2pm ha u lum jingtep ka Balang Presbyterian Kynton U Mon, Nongkrem.

Mar ia dep pyniasoh BJP ki MLA ka UDP yn bteng pyniasoh ki nongialam na ki 12 distrik : Bah AL Hek

Shillong, Nailur 13 : Ka BJP ka la plie lad ia ki bried kiba kwah ban rung sha ka seng, bad lah ban don shuh shuh ki nongialam kiba na baroh ki 12 district jong ka Meghalaya kiba rung sha ka BJP, la ong u nongialam rangbah ka BJP bad MLA ka Pynthorumkhrah, Bah AL Hek, ha ka Sngi Saitjaiñ.

U Bah Hek u la pynthikna ruh ba ka BJP ka dang iakren bad ki phra ngut ki MLA jong ka UDP halor ka jingrung jong ki sha ka BJP.

“Ngi peit ia ki jingkylla ha ka saipyrthei na ka bynta u snem 2028. Nga la iathuh lypa ba ngi la iakren ia kane bad u Home Minister Amit Shah. Ngi la iathuh ia u ba ha u snem 2028 ngin thaw sorkar ha Meghalaya,” ong u Bah

Sngew heh mynsiem u Dr. Jemino Mawthoh ba thmu wan pyniasoh BJP haduh 8 ngut ki MLA ka UDP

Shillong, Nailur 13 : U nongialam barim ka UDP, Bah Jemino Mawthoh, u la iada ia u President ka UDP, Bah Metbah Lyngdoh, halor ki khubor ba don phra ngut ki MLA ka UDP kiba kwah ban

rung sha ka BJP namar ka jingbym lah jong ka jingialam.

U Bah Jemino, uba la rung sha ka BJP ha ka Sngi Saitjaiñ, u la ong ba ka UDP ka la nang khlaiñ hapoh ka jingialam u

Bteng sla 5

Naduh 2021 nga la pyrrshang ban khroh ia u Bah Jemino sha ka BJP

Shillong, Nailur 13 : Haba pdiang sngewbha ia u MLA barim ka Nongthymmai, Bah Jemino Mawthoh, sha ka BJP ha ka Sngi Saitjaiñ, u nongialam rangbah ka seng bad MLA ka Pynthorumkhrah, AL Hek, u la ong ba u la pyrrshang ban khroh ia u Jemino sha ka BJP naduh u snem 2021.

U Bah Hek u la batai ruh ia u Bah Jemino kum u bried

Ai jinghikai ki tnad na NEIGRIHMS halor kumno ban iada ia kiba thmu pyniap hi ialade

Shillong, Nailur 13 : Ka Department of Psychiatry bad Department of Community Medicine, NEIGRIHMS, Shillong ha ka 10tarik mynta u bnai ki la pynlong ia ka prokram pynshai paidbah kum shi bynta jong ka World Suicide Prevention Day 2026.

Ka World Suicide Prevention Day ka dei ka sngi kaba la buh kyrpang ha kylleng ka pyrrthei ban pynmih jingtip

paidbah halor ka jingpyrrshah ia ka jingpynkut noh ia ka jingim, bad ban kyntiew ia ka jingsngewthuh bad jingiatreilang ha ka imlang sahlang, khnangban pyniduna ia ka jingsngew lehrain kaba iadei bad ki jingeh jong ka koit ka khiah ha ka jingmut jingpyrkhat.

La pynlong ia kane ka prokram ha Rural Health and

Ban ka jingduk ia ki paidbah nongrep na ka jinghiar dor ki iew ki hat

Nongstoiñ, Nailur 13: Ki paidbah nongrep ha kine ki sngi ki shem jingeh haduh katta katta na ka daw jong ka jinghiar dor palat jong ki mar rep. Ka la buh jingeh haduh katta katta ia ki kmie ki kpa bad ki longiung longsem ban kyrshan skul ia ki khun, namar ba ki hap ban pynlut bun bah ka pisa na ka bynta ban thied kot thied sla, ka bai skul, bai iuniphom bad kiwei kiwei.

U bah D.Rngaid uwei na

ki nongrep na ki thain Mawdoh, u la ong ba ha kine ki snem naduh ba ka sorkar ka la ithuh ia u synsar, palat marshiteng na ki nongrep ha ki thain rimen ki la pynleit jingmut ha kaba rep synsar. Hynrei ha une u snem ka jinghiar dor u synsar ka la long shaba palat haba ia nujor bad u snem ba la dep.

U la ong ruh ba lada rep bun ym lah ban kheit lut tang dalade, namar ka por kheit

Bun ki mat iatai ki Principal ha ka Biennial Conference of Meghalaya College Principal Council

Shillong, Nailur 13 : Ka jingiakunduh lang ka (Biennial Conference) jong ki Principal jong ki College bapther

bapther ha ka Jylla hapoh ka lama jong ka Meghalaya College Principals' Council (MCPC) ka la long ha ka 11

tarik u Nailur 2026 ha St. Anthony's College, Shillong. Ha kane ka jingialang, ki Principal bad ki dkhot jong ka MCPC na ki college bapther bapther ka jylla ki la wan ban iashim bynta ban ia kren bad ia bisnar bniah halor ki mat kiba iadei bad ka kam hikai, ka jingpyniaid kam bad kiwei ki jingeh jong ki college bad ka pule puthi ha Meghalaya.

Ha ka technical session, la ia kren halor bun ki mat kiba iadei bad ki eksamin



Ki Principal jong ki College bapther bapther kiba la wan shim bynta ha ka Biennial Conference jong ka Meghalaya College Principal Council. (Dur Synhiang)

Ryngkat ka jingphuh jingphieng rakhe ka SSKNPSMU 6th Annual Youth Freshes Meet 2026

Mawkyrwat, Nailur 13: Ka Synjuk Samla Katholik Nativty Parish Mawkyrwat Shillong Unit (SSKNPSMU) pka la rakhe ia ka 6th Annual Youth Freshes Meet ha ka 12 bad 13 tarik ha Shillong, East Khasi Hills District.

La sdang ia kane ka jinglehkmen da ki jingialehkai bapther bapther ha Don Bosco Stadium jong ka St. Anthony's

Higher Secondary School, Shillong ha kaba u Samla Rangbah u Bah Welborn Snaitang u la wan ban plie paidbah ha ka jingiadon lang u Speritual Director ka Synjuk, u Fr. Aiborlang Nongsiej, u Fr. Donbor Jyrwa bad ki nongialam jong ka Synjuk kiba la wan ban sakhil ophisar ka sngi. Ha kane ka sngi ki samla ki la

iashimbynta ha bun ki jingialehkai kum ka kynjatbol, Mawpoiñ, tong pisa bad kiwei kiwei.

Nangta, ha ka 13 tarik la sdang ia kane ka sngi da ka Mass Bakhuid ha kaba u Parish Priest ka Parish Nativty Parish Mawkyrwat, u Fr. Alphonse Wahlang ula pynbynta ka ia Mass Bakhuid

Kyrpad ki sengbhalang na Garo Hills ia u Myntri Rangbah ban pynbeit noh ia u pud u sam bad ka Assam

Shillong, Nailur 13: Ki sengbhalang na ka thain Garo Hills ki la kyrpad ia u Myntri Rangbah ka jylla ba un shim khia ha kaba iadei bad ka jingeh kaba ki mad ha u pud u sam jong ka jylla Assam kaba dei ha ka Raksamgre Civil Sub Division.

Ha ka kyrwoh khubor na ka liang jong kine ki sengbhalang ki la pynpaw ba kane ka jingeh kadei kaba la

Ka CM-YEP 2026 ka rynsan ban kyntiew ia ki sap jong ki samla da ki jingiakop bapther bapther

Khliehriat, Nailur 13: Ka ophis jong ka District Sports Officer (DSO), East Jaintia Hills District ha ryngkat ka jingiatreilang bad ka ophis jong u Block Development Officer, Wapung C&RD Block, myn ha ka 11 tarik mynta u bnai ka la pynlong ia ka Second Block Level Chief Minister's Youth Engagement Programme (CM-

Amul Milk

GANPATI BAPPA MORYA

AMUL DOODH PEETA HAI INDIA

Kynnoh ka JSU ba leh shilliang khmat ka Sorkar halor ka jingbhah ia ki College pule Doktor

Shillong, Nailur 13 : Ka Jaintia Student Union (JSU) ka la kynnoh ba ka don ka jingleh shilliang khmat ha ka jingied ne bhah ia ki College pule doktor namar ia ki samla pule ba ioh ia ki marks ba heh la phah sha ki College ki bym da paw katba ia kiba rit ki marks la phah sha ki college kiba pawnsam bha.

Ha ka jingpyllait khubor ha ka Sngi Saitjain, u Education Secretary ka JS u samla Bocheru Mi Pohsnem u la ong kane ka rukom bhah ia ki college ka long kaba leh shilliang palat bad ka bym don shuh ka jingpyrkhat na ka bynta kito ki samla kiba la ioh heh bha ki marks bad la shu pynlong kam

Hau Dr. D.R.L.Nonglait beh bha ka lyer elekshon shitung samoi ha EWKHD

Mairang, Nailur 13: Wat la ka sorkar pdeng lyngba ka Election Commission jong ka ri kam shympat la pynbna ia ka tarik ban pynlong ia ka MP Election shitung samoi hynrei ki artylli ki Seng sain pyrrthei kata ka National Peoples Party kaba ialam ia ka sorkar bad ka Voice of the Peoples Party kaba don ha ka liang pyrrshah kiba la don ia ki kyrtong kiba thikna ki ban mih madan ban iakhun ia katei ka election shitung samoi ki la nangiaid shakhmat ban pynpoi ha ki iew ki hat bad ki shnong ban pan ia ka jingkyrshan na ki paitbah.

Ha ka jingpyrrshang ban twad jingmut na ki paitbah nongshong shnong ka Eatern West Khasi Hills District ha kine ki sngi ki la pynpaw ba na ki argut ki kyrtong kata u Dr. DRL

Ym shuh ka wait ne ka stieh hynrei u Khulom, pynshlur u MLA ia ki samla Nongstoiñ

Nongstoiñ, Nailur 13: Ubah Gabriel Wahlang MLA ka Nongstoiñ Constituency u la pynshlur ia ki samla jong ka thain Nongstoiñ baroh kawei, ba ka pule puthi hi ka dei ka daw bad ka thong ka jingangnud ba ka Nongstoiñ ka dei ban don ne ioh, namar kane kam dei shuh ka juh jong

ka Wait ka Stieh hynrei jong u Khulom.

Na ka bynta kane, u MLA lyngba ka 2nd MLA Excellence Award 2026, ha ka sngi saitjaiñ u la don ryngkat ruh bad ki samla kumjuh ruh ki heprit kum shibynta ban plie ia ka rynsan jingiakop, kaba iadei bad ka dro dur,

jingiakop mareh marathon bad kiwei kiwei ia kaba la pynlong ha dorbar Hall New Nongstoiñ.

Ha kane ka sngi la sdang ia ka jingpynmareh Marathon naduh ka por 5 baje mynstep. Haden kata naduh ka por 11 baje mynstep la ioh

Mih sa ki nonghikai 4th Teacher ban pyrrshah ia ka jingdawa weng ia u C&S Education

Shillong, Nailur 13 : Ka Synjuk ki nonghikai 4th Teachers hapoh ka lama jong ka Meghalaya 4th Teachers Association ka la pynpaw ba ki ai ka jingkyrshan ia u Commissioner & Secretary ka tnad Pule Puthi ka sorkar Jylla u Vijay Kumar Mantri, bad ha kajuha por ban pyrrshah pat ia ka jingdawa jong ka VPP ban weng noh ia u na ka kam.

Halor kane na ka liang u General Secretary ka Synjuk u Bah Frederick Lyngdoh Tongkhar ha ka sngi Saitjaiñ u la ong ba u Vijay Kumar Mantri u la leh shibun ki kam ban wanrah ki jingkylla na ka bynta ki nonghikai. U la

Ngi donkam ban pynshai halor ki jingma kiba lah ban mih na u drok, pynshai ka CBC ia ki samla

Shillong, Nailur 13: Ka Central Bureau of Communication (CBC), Shillong, ka la pynlong ia ka Integrated Communication and Outreach Program (ICOP) halor ka Nasha Mukt Bharat Abhiyan, ha Don Bosco Technical School, Shillong.

Ka prokram ka thmu ban wanrah ia ka jingsngewthuh hapdeng ki samla pule shaphang ki jingma kiba mih na ka jingdih pynbuaid bad ban kyntiew ia ki

jingpyrrshang lang ban tei ia ka imlang sahlang kaba koit ba khiah, kaba don ka jingkitkhlieh bad kaba lait na u drok.

Haba ai jingken ha kane ka jingialang, u Principal ka Don Bosco Technical School u Fr. Shiningstar Dkhar, u la pdiang sngewbha ia ki ophisar jong ka Central Bureau of Communication bad ki Resource Person kiba la jied ia kane ka jaka pule kum ka jaka ban pynlong ia kane



Ki nongiashim bynta ha ka prokram jong ka CBC.

ka prokram ai jingtip kaba kongsan.

U la ban jur ia ka jingdonkam jong kane ka sienjam na ka bynta ki samla pule ha kane ka por kaba kongsan ha ka jingim jong ki.

U Principal u la ong ba ka Sorkar India ka la shim ia ka jingiakhun pyrrshah ia ka jingdih drok kum ka jingkitkhlieh lang, kaba sdang na ka jingpynsngewthuh ia ki bried bad kaba bteng sha ki

longiung, ki jaka treikam bad ka imlang sahlang hi baroh kawei.

U la ban jur ba ka jingdih drok ym tangba ka pynjot ia ki jingangnud bad ka lawei jong ki samla shynrang bad kynthei hynrei ka ktah ruh ia ki longiung bad ka imlang sahlang.

Haba iathuh ia ki jingshem jong u ha ka jingiakren bad ki samla kiba la iakhun pyrrshah ia ka jingkhuslai jingmut bad

kiwei kiwei ki jingeh, u Fr. Shiningstar Dkhar u la ban jur ia ka jingdonkam ban sngewthuh ia ki jingeh jong ki bad ban ai ka jingkyrshan ia kito kiba shah ktah. U la kyntu ia ki samla pule ban sngap bha ia ka jingpynshai, ban sngewthuh ia ka khubor jong ka bad ban rah shakhmat ia ka sha ki paralok bad kiba haiing hasem jong ki da kaba long ki nongmihkhmat jong ka imlang sahlang kaba lait na u drok.

U Bipul Das, DSP Crime, East Khasi Hills, ha ka jingai jingken jong u, u la pynsngewthuh ia ki samla pule shaphang ki jingsniew jong ka jingdih pynbuaid bad ka jingdonkam ban jied da ka jingsngewthuh bad ka jingkitkhlieh.

Haba kren shaphang ka jingktah jong ka jingdih pynbuaid, u Das u la batai ba ki jingdih pynbuaid ki lah ban ktah ia ki dkhot bapther